



UNIVERSITÄTS-
BIBLIOTHEK
PADERBORN

Vitæ Pontificum Romanorum

Ex Antiquis Monumentis Collectæ

Sandini, Antonio

Bambergæ, 1753

LXVIII. Bonifacius III. Anno Christi 607. Phocæ Imperatoris 6.

[urn:nbn:de:hbz:466:1-65446](https://nbn-resolving.org/urn:nbn:de:hbz:466:1-65446)

Baronium. Papebrochius in Conatu apud
Bollandum tom. 8. Maji pag. 92.

LXVIII.

BONIFACIUS III.
ANNO CHRISTI 607.
PHOCÆ IMPERATORIS 6.

Bar. an.
606. §.
1. 2. 3.
Pag. §.
2. 4.

BONIFACIUS III. Romanus,
patre Joanne Cataudioce natus,
sanctæ Romanæ Ecclesiæ Diaconus,
anno 607. XI. Kal. Martias Pontifex
renunciatus est. Duo memorabilia
hunc fecisse invenio: unum, quod
habito in æde S. Petri duorum &
septuaginta Episcoporum Concilio
sub anathematis pœna cavit, ne agi-
liceret de successore Pontificis Ro-
mani, & cujusvis Episcopi, nisi
post diem tertium ab ejus morte: al-
terum, quod obtinuit à Phoca Im-
peratore, ut nomen Episcopi *Oecum-
menici* seu *Universalis* esset unius Pon-
tificis Romani, atque ita frangeret
turbulentam Cyriaci Episcopi Con-
stantinopolitani temeritatem, qui sibi
tale nomen arrogabat. (1) Anno
607. IV. Idus Novembris exiit è vi-
ta

ta mense Pontificatus octavo, die altero
& vicesimo.

ANNOTATIONES.

(1) Paulus Diaconus de Gestis Longobardorum lib. 4. cap. 37. *Hic (Phocas) regnante Papa Bonifacio, statuit, sedem Romanae & Apostolicae Ecclesiae caput esse omnium Ecclesiarum, quia Ecclesia Constantinopolitana primam se omnium Ecclesiarum scribebat.* Baronius ad an. 606. §. 2. *Insensus Cyriaco Phocas id Imperiali edicto sancivit: & §. 6. Quod ergo expevit à Mauricio Gregorius, & non obtinuit, ut vanum hominem, titulum sibi indebitum usurpantem compesceret, hoc à Phoca obtinuit Bonifacius, ut cogeret Cyriacum sibi inconcessa summentem. Sic igitur edictum Phocae non deducit primatum Ecclesiae Romanae, sed illi tantum jure competere nomen Oecumenici judicavit.* Eodem modo Bellarminus lib. 2. De Rom. Pont. cap. 17. *Phocas id sancivit declarando & asserendo, non instituendo aliquid novi.*

